



# Arubaanse Courant

Anja 25

DIAHUEBS 23 JANUARI 1964

No. 4945.

## KABEL DI ELECTRICIDAD A WORDE KIBRA PA BULLDOZER ORANJESTAD A KEDA SIETE ORA SIN CORIENTE

Oranjestad, 23 Januari, Ayera atardi algun minuut despues di cuat'or casi tur hende na Oranjestad, sea na oficina of na casa ripara cu no tabatin coriente di ripiente. Hopi a kere cu e biaha aki ta pa un rato atrobe tabatin un estorbo y no por a pensa cu Oranjestad lo keda siete ora sin corriente y alavez casi cinco ora den scuridad. Esaki lo ta promer biaha den historia di electricidad na Aruba cu Oranjestad a keda asina hopi ora sin electricidad.

E danjonan y resultadonan cu especialmente a worde sinti pa banda di e comerciantenan te ainda no por worde calcula exactamente.

Mas o menos algun minuut despues di cuator diamars atardi un bulldozer di e compania "Mac Namara" cual na e momento aki ta trahando riba e extension di aeropuerto, dal ariba un linja di coneccion di electricidad ariba tereno di aeropuerto.

Choke aki tabatin como resultado cu e kabel mayor y e kabel di reserva di coneccion pa electricidad entre Balashi y Oranjestad worde parti den dos, di tal manera cu henter Oranjestad y bendario a keda oranan sin corriente. Con e accidente aki a sosode exactamente y con e por a sosode te ainda no ta completamente sigur, pero ta sigur cu Oranjestad durante casi cinco ora tabata obliga di tene "black out". Gracias na intermediacion inmediatamente di ELMAR y un bon trabao di e departamento tecnico di e empresa na Oranjestad asisti pa esun di San Nicolas e defecto aki por a worde elimina dentro di siete ora. Cu excepcion di hospital, warda di polis, Aruba Caribbean Hotel, Telefoon y Radio en Telegraaf Dienst tur edificio y cas na Oranjestad a keda sin electricidad y anochi den scuridad durante e oranan aki. E edificacion ariba menciona of sea tabatin nan mes agresor of a hanja electricidad via e coneccion di Santa Cruz, cual banda di cincor tabata posibel door di un coneccion di emergencia cu a worde ponon door di ELMAR. Segun experionan e defecto cu a resulta na aeropuerto a worde regla sumamente rapido door di ELMAR. Banda di diez or y mei di anochi Oranjestad tabatin electricidad aprobe despues cu e kabel di reserva a worde drecha. Durante henter anochi y te awe mainta e empleadonan di ELMAR tabata trahando ariba e kabelnan cu a worde kibra door di e bulldozer. Apesar cu e kabelnan aki ta masha fuerte y ta dura desenas y desenas di anja promer cu ta necesario pa nan worde cambia, sin embargo probablemente door di un descuido di un empleado di Mac Namara esakinan a worde kibra cu un bulldozer. Con esaki a sosode ta worde investiga ainda.

E resultadonan y consecucionan door di e kibramento di e kabel aki tabata hopi mes. Despues cu electricidad a cai afor diferente negoshi caminda nan ta usa telefoon cu ta conecta ariba electricidad di e lugar no por a worde usa. Hopi hende nan combersacion a worde interrumpi door di esaki. Airconditionnan a dal para y tabata lek awa, mientras calor a cuminsa reina den oficina. Diferente pacus nan a sera nan porta promer cu seis'or como cu cinc'or y mei ya tabata mucho scur den e tiendan cu hasta den dia ta usa luz pa por despacha clientenan na debido manera. Diferente di cincor cien turistanan cu tabata abordo di "Riviera Prima" ora cu a bira mas scur e anochi, a perde caminda pa nan bapor y diferente biaha mester a puntra cual direccion nan tin di tuma pa nan yega ayanan. E tiendan cu a hanja permit pa vende te ocho'or e anochi ey en coneccion cu e bapor di turista cu tabata den haaf, tabatin un perdida basta grandi como cu nan no por a vende nada den e "black out" cu tabata reina. Apesar cu ELMAR apriminti di haci su posibel pa Oranjestad tin electricidad pa ocho'or di anochi atrobe, door di cual diferente comerciante a laga nan personal di tienda bin traha ocho'or ora cu electricidad cende tur luz atrobe, esaki no a worde logra di manera cu e muchamuhernan y mucha hombernan por a bai nan cas atrobe. E refresquerianan mester a cera y poco promer cu nan a cera no tabatin ijscream mas, pero unicamente awa di ijscream y por ultimo ni esey no tabatin mas.

Piet Soda Fountain y refresqueria Ingrid a usa un lampi di meya (gas) pa asina por spacha nan clientenan locual a bai masha satisfactorio como cu e otro lugarnan tabata cera y tabatin masha hopi hende ariba calla ta corre den auto como na cas no tabatin luz, pero na Piet y Ingrid si. Un otro consecuencia cu interrupcion di corriente tabatin ta cu diferente dama a sali for di kap-

salon cu cabel muha i mitar permanent. Na e carnicerianan y den algun tienda tabata dificil pa hanja worst, ham, of keeshi geslice como cu e machin necesario pa esaki no tabata traha sin coriente.

Muchanan chikito cu tin custumber di bai drumi cu un luz cendi diamars anochi a yora basta orapromer cu nan a pega sonjo, otro nan cu ta bai school y cu tabatin huiswerk pa haci y no tabatin belaf of iampi di kerosin na cas, tabata sinja nan huiswerk den e auto di nan tata of ruman. E stacionan di

radio y tampoco esunnan di gasolin tabata funciona, cu excepcion esun di VI Henriquez na Lloyd Smith Boulevard, na unda senyor Henriquez cu yudanza di su yiu homber tabata usa un pomp di man pa yuda nan clientenan cu poco gasolin. Tambe pa motibo cu Oranjestad tabata den completo scuridad ayera nochi, polisnan mester a patruilla mas intensivo, pa no duna cierto figuranan oportunidad di comete maldad. Asina leeuw cu ta conoci, apesar cu e oportunidad pa esaki ta sumamente grandi no tabatin ningun robo diamars anochi den Oranjestad durante di e "completo scuridad".

Cu tur esakinan y hopi otro mas a worde muestra claramente cu nos comunidad moderno casi no por biba sin electricidad mas. Y tambe a worde prueba cu tal interrupcionnan asina ta trece hopi danjo, kizas no tur caminda pero seguramente pa e comerciantenan cu tin deepfreezers den cual tin productonan delicado cu unabez cu nan no ta den basta friu por danja. Pero no ta e comerciantenan so a sinti e resultado y consecuencia di e interrupcion aki di coriente, ma tambe e hobennan di Oranjestad a ripara esaki y nan tabatin un bon anochi.



### Jolanda Coutinho reina di C.J.T.L.

TANKI LEENDERT, 23 jan. - Dia diez-ochu ultimo a tuma lugar den Centro Juvenil na Tanki Leendert eleccion di reina di carnaval di C.J.T.L. E feliz dama cu a keda eligi como tal tabata senyorita Jolanda Coutinho, kende hunto cu e otro reinanan di clubnan Juvenil di Aruba lo competi dia trinta y uno venidero pa e titulo di reina Juvenil dicarnaval Aruba. Tambe Centro Juvenil Tanki Leendert a eligi nan prins y pancho kendenan ta respectivamente Antonio Erasmus y Jossy Tromp. Tambe e prins lo competi dia 25 venidero den Centro Juvenil Tanki Leendert pa e titulo di prins di carnaval juvenil.

### LIONS TA CONMEMORA 16 ANJA EXISTENCIA

ORANJESTAD, 23 jan. - Diarazon venidero, esta dia 29 januari Lions Club na Aruba lo recor-

da cu ta 16 anja pasa cu e club aki a worde estableci na Aruba. Na ocasion di esaki e miembronan di Lions Aruba lo ta huntu ariba e dia menciona den Trocadero pa tene un charter night.

### Relay II den orbita rond mundo

Cabo Kennedy, 23 jan. - Manera ta conoci Merca a lansa ayer anochi for di Cabo Kennedy, antes Cabo Canaveral, un segundo satellite di comunicacion di e tipo "Relay". E satellite aqul lo comunica Merca, Sur America, Europa y Asia durant e e pruebannan. E satellite, cu ta hanja propulsion di un raket Thor-Delta, a cai practicamente den e orbita calcula rond di mundo cu un distancia maximo di 7400 kilometer y un distancia minimo di 2075 kilometer for di mundo.

E satellite ta describi un buelta rond di mundo di tres ora y un cuarto di ora y di esey por usa 70 minuut pa e comunicacion -transatlantico y cuarenta minuut

HUMA UN CIGARRA  
VERDADERO  
HUMA UN  
CAMEL

FAVORITO DI ARUBA

En realidad ta un portret sin prentencion: un pida lamar, un boto chikitu, algun mata di kwihi. Pero tur huntu e ta un di e tantu magnifico bistanan di lamar cu Aruba tin. E portret aki a worde saca na L.G. Smith Boulevard na altura di cas di Gezaghebber

FATUM - Tel: 1845  
pa tur bo aseguronan

pa e comunicacion riba Oceano Pacifico.

## DE GAULLE LO BISHITA BRASIL NA NOVEMBER

Paris, 23 jan. - President Goullart di Brasil a invita su colega Frances, general De Gaulle, por escrito pa e bishita Brasil tambe, durante su gira cu e lo haci mas den e anja aqui pa central y sur America. De Gaulle a acepta e invitacion. Esaki a trece un fin di problemanan diplomatico entre Francia y Brasil cu a presenta ora cu piscadonan Frances di kreeft a bai ehecuta nan profesion bou di costa di Brasil, na cual segun opinioonan di Brasil, nan tabata viola e derechonnan - Brasilenjo di pesca.

Den su contesta De Gaulle ta contesta cu lo ta sumamente agradable pa e bishita Brasil.

Probablemente president De Gaulle lo bishita Brasil na november. Segun informenan e lo haci bishitanan oficial na Peru y Argentina durante mesun gira. Ta worde calcula cu e embajador yama back en conexion cu e conflicto di piscamentu, muy pronto lo bolbe na su puesto na Brasil.

E conflicto di piscamentu a cuminsa un anja pasa, ora cu Brasil a detene tres bapor Frances cu tabata pesca kreeft na Recife.

Brasil a laga e botonan bal despues, pero a prohibi e Francesnan pa pesca kreeft den un territorio di sesenta milla for di costa. Francia a manda un bapor di guerra. Toch e Francesnan a stop di pesca dilanti di costa di Brasil.

### Libertad di religion na Spanja

Taragona, 23 jan. - Cardinal - Arriba y Castro di Tarragona na Spanja a declara periodistanan di partidario di libertad di religion pa no catoliconan na Spanja. E cardinal a a-grega cu di nan banda nan no meste culpa nan mes na proselytismo. Spanja ta un pais cristian i tin un evangelio caba, segun e cardinal.

### Alemania tocante China y Francia

BONN, 23 Jan. E lider di e fraccion Socialista di Parlamento di Alemania Occidental, Fritz Berler, a haci un peticion awepa dunan aclaracion di punto di bista di gobierno Aleman en cuanto reconocimiento di China Comunista door di Francia.

Gobierno di Alemania Occidental mester splica bon, cu e relacionnan estrecha entre Francia y Alemania, cu ta surgi for di e acuerdo di amistad entre e dos paisnan, no ta nifica, cu tin un responsabilidad comun pa un hecho manera reconocimiento di China Comunista.

Especialmente esaki no ta e caso cu autoridadnan Frances no a consulta prome cu gobierno Aleman, prome cu nan a tuma un tal decision. Asina e lider socialista di Alemania Occidental a bisa.

## TSJOE EN LAI NO TA BAI FRANCIA

PARIS, 23 Jan. E minister frances pa asuntunan di informacion, Peyrefitte, awe despues di un reunion di gabinete bou di presidencia di president De Gaulle, a declara cu e promer minister di China Comunista, Tsjoen Lai, kende ta efectuando un gira door di Afrika actualmente, lo no bishita Francia pa e dianan aki.

Contestando algun pregunta e minister a bisa cu den e reunion di e gabinete nan no a atende un eventual bishita di Tsjoen Lai na Francia.

Peyrefitte a recorda cu Francia a pone algun gobierno, entre cual autoridadnan, cu tin interes especial pa e relacionnan cu Chi-

### CASTIGO PA TRENET

MARSEILLE, 23 Jan. E escritor y cantante di canticanan Charles Trenet a hanja un castigo condicional di un anja di prison y un boet di dies mil franc.

E tabata acusa di tabata envolvi den accionnan cu muchanan menor di edad, cual ta contra di moral.

E proceso contra Trenet a tuma lugar cu porta sera.

Trenet mes no tabata presente ora cu hues tabata lesa e sentencia. El a laga su abogado nan represente.

Un tal Robert Berlin a keha Trenet, mientras cu e mes tabata envolvi den e caso. Berlin ta liber atrobe.

### PLAN PA OFICINANAN PALESTINO

CAIRO, 23 Jan. Un representante di Palestina den liga Arabe, Ahmed Sjoekelri, a traha un plan pa establecimiento di ocho oficina Palestino den mundo. Parce cu dos di nan mester bini na Europa, dos na Afrika, y un na Merca, un na Asia y dos na America Latino.

Tarea di e officinan ey lo ta pa splica e punto di bista Arabe den e kestion Palestina.

E plan pa e officinan ta un consecuencia di e conferencia cumbre Arabe en conexion cu e plan di Israel pa usa awa di eriu Jordaan pa irrigacion di e desierto Negeb.

na Comunista, na altura di su plannan pa den futuro reconoce y cuminsa relacionnan diplomatica cu China Comunista. Peyrefitte a declara cu den mayoria caso e reaccion di e gobiernonan infor ma tabata favorable.

Segun informe di gobierno di Alemania Occidental tambe a reaccionna favorable.

Peyrefitte a bisa tambe cu e minister frances di defensa, Messmer, kende recientemente a bishita Cambodja, a regresa cu e participacion cu ta imposibel pa Francia no tene cuenta cu China Comunista, si e kier hiba politica activo na sur-oost Asia.

### Okello a regresa Zanzibar

ZANZIBAR, 23 Jan. Mariscal Okello, un dje lidernan dje lantamentu na Zanzibar, awe despues di un permanencia di dos dia na Dar Es Salaam, Tanganjika a regresa Zanzibar. El a bisa cu el a sosega durante algun dia.

### COOPERACION ENTRE RUSIA Y MERCA

Washington, 23 jan. - Union Sovietica lo participa na e pruebanan di comunicacion di e satelite Mericano "Echo", cu lo worde lansa majan. E Rusonan lo manda for di nan territorio sinjalnan Inglatera via di e satelite. E sinjalnan aqui lo bai via di un comunicacion di cable pa Merca. E satelite "Echo" lo pasa hopi biaha riba Union Sovietica.

### Investigacion di minister Aleman

BONN, 23 Jan. Canciller Erhard a ordena un investigacion profunda di pasado politico di e minister aleman pa asuntunan di refugiados, Hans Krueger. El a acepta un oferta di e minister cu esaki lo suspende su trahaonan, te ora cu su actividadnan den tempo di Bazi keda aclara. Segun noticianan di prensa e actitud di Krueger di tempo di Hitler no tabata mucho bon. En conexion cu e noticianan ey canceller Erhard tabatin un entrevista largu cu Krueger. Krueger, kende tin 61 anja, a bira minister pa asuntunan di refugiados dia cu Erhard a forma su gabinete na oktober anja pasa. Ademas e ta president di e sociedad di alemanan cu despues di segunda guerra mundial a worde expulsada for di territorionan oriental.

### MIL VICTIMA NA PAKISTAN

Dacca, 23 jan. Na bringamentunan entre Mahometanonan y Hindunan na parti oriental di Pakistan siman pasa a muri por lo menos mil hende, asina a worde infor ma ayera di fuente fidedigno na Dacca.

Un enfermera Mericana di e cuerpo di paz, a bisa cu solamente den e hospital di escuela medico di Dacca nan a conta seis cien morto. E hechonnan a bira conoci, despues cu ehercito tabatin Dacca y un otro ciudad den cercania bou di control.

**BO A PIDI**

**GAS CABA?**

1898 - 1198

## Marconiphone's TV-Service



See us for non-stop enjoyment  
of television programs

Even if it is necessary for us to take your set to our shop for major repairs, you won't miss a single program. We'll lend you a set to use while work is being done.

**MARCONI PHONE RADIO SALES & SERVICE**

San Nicolas

Tel. 5325



Materialnan di construccion di calidad y na prijs atractiva esey ta solamente na

### PETRONA & CROES

#### PA BENDE:

1 auto marca Austin  
(4 porta)....f. 2.250,--  
1 wasmachine marca  
Frigidaire..f. 300,--  
1 stoof di gas  
.....f. 250,--  
1 mesa di comedor di  
mahonie cu 6 stoel  
.....f. 300,--  
Maria Christinastraat 2  
Tel. 1718.

### CENTRO ESPIRITISTA

E UNICO ORGANIZACION NOBO Autoriza pa ayudo gratis. Laga pidi un EXAMEN pa bo haya sa solucion di bo problema. Manda bo nombre y adres; fecha di nacimiento y number di un familia difunto. Dirigi bo carta asina:  
Dra. Minerva Osiris - Apartado 2664 - Quito - Ecuador.

### TA BENDE

Auto, FORD, 1956,  
den bon condicion pa  
solamente f. 1.5000,--

Pa mas inf: Jama tel.  
tel. 2579 of  
acudi na Se-  
ro Lopez 6.  
(Sta. Cruz)

### TA BENDE

Pa motibo di viahe

Auto, OPEL-REKORD, 1958  
den perfecto condicion corri  
43.000 km.  
Prijs barata!  
Cash of na quota.

Pa inf: Acudi na Sombre 5 (Sta.  
Cruz) (Den vecindario di  
e Tanki di Cas Ariba)



Senjora Kennedy pa medio di radio a gradici oficialmente pa e hopi muestranan di sympatia cu e pueblo Mericano a demostra despues di morto di su esposo. Poco prome cu e transmision, viuda Kennedy tabatin un combersacion cu su swa Robert.





**GRANDIOSO CONCURSO DI RON "CONDESA"****Ron "CONDESA" e rom cu ta conquistando Aruba,****ta anuncia su Concurso pa luna di Januari y****Februari 1964****PREMIO: f. 500.--**

GOLD



LABEL

*Ron***Condesa**IMPORTADO Y EMBOTELLADO POR:  
JAN C. LACLE - ARUBA. N. A.

Ron Condesa ta regala f. 500.-- na e persona cu bisa e cantidad di tapadera (screw caps) cu tin den e botter grandi di RON CONDESA cu ta di show na e siguiente lugarnan aki:

- 13 - 22 Januari 1964 na MAI STORE (Oranjestad)
- 23 - 31 Januari 1964 na Titichi's Rumshop (Santa Cruz)
- 1 - 15 Februari 1964 na RIO RITA RUMSHOP di Sr. Niki de Kort (San Nicolaas)
- 16 - 29 Februari 1964 na SANTA CRUZ BAR (Santa Cruz)

E botter grandi aki di Ron Condesa lo worde yena cu y sella den presencia di publico den SANTA CRUZ BAR diasabra 11 Januari 1964 pa 8 or di anochi. Tur hende ta bonbini pa ta presente na e ocasion aki.

Tur loke bo mester haci pa tuma parti ta lo siguiente:

1) Pa cada botter di Ron Condesa cu lo compra, di cualkier tamaño, bo ta hanja un formulario riba cual bo mester yena e cantidad cu bo ta kere cu tin den e botter di RON CONDESA grandi, yena bo nomber, direccion y firma y manda e formulario ei na e siguiente adres: **FIRMA JAN C. LACLE SANTA CRUZ BAR SANTA CRUZ 62**

2) Hunto cu cada formulario cu bo manda bo mester pone un capsula di RON CONDESA.

Bo por manda cuanto formulario cu bo ta desea acompaña di un capsula di RON CONDESA.

E Concurso aki ta cerra dia 29 di Februari 1964. E botter grandi di RON CONDESA lo worde habri y contá den SANTA CRUZ BAR diadomingo dia 1 di Maart 1964 pa 5 or di atardi y e ganador lo worde anuncia mesora.

**RON CONDESA****Agente: FIRMA JAN C. LACLE**

- STA CRUZ BAR - SANTA CRUZ 62 - TEL. 1048 -

**DOKTER DI SS HANJA MORTO NA ETIOPIA**

ADDIS ABABA, 23 Jan. E ex-dokter di SS, Karl Baber, kende riba sospecho di crimennan den campeon di concentracion tabata worde busca pa polis di Austria, a worde haya morto den un riu na Etiopia.

E lider di e centro hudu di documentacion na Viena, Simon Wiesenthal, recientemente acusa Baber di a haci experimentonan medico riba presunan den e

campo di concentracion Nazi na Gross - Rossen banda di Breslau.

Wiesenthal a bisa na e ocasion ey cu Baber tabata traha como medico na e corte di emperador Haile Selassie di Etopia, lo cual a worde desmenti pa un persona di e Corte.

Si el a traha ultimo dies añanan como medico den e capital di Etiopia.

Su yiu muhe ta studia na Paris. E causa di morto di Dr. Baber mester worde stipula ainda. Na anja 1952 nan a colecta suficiente datonan contra djepa por arresta.

Pero e dokter a logra bandona Viena, prome cu por a proclama un orden di arrestacion contra djepa.

**Jack Ruby ta bai psiquiatro**

DALLAS, 23 Jan. - Jack Ruby, E donjo di nightclub? kende lo mester worde husga pa via di a mata Lee Harvey Oswald, lo worde investiga pa un psiquiatro tro inpartidario.

Un tribunal na Dallas a dicidi awe cu Dr. Martin Rowler profesor den neuro psiquiatria na e facultad medico di universidad di

Texas, lo worde encarga cu e investigacion.

E defensa di Ruby a bandona su intento pa Ruby hanja su libertad contra pago di un suma di garantia despues di e decision ey. E intento ey tabata especialmente pa Ruby pasa un investigacion psiquiatrico.

Hues Brown a participa despues di un entrevista largu cu fiscal y e defensor di Ruby, cu e proceso contra Ruby lo no cuminsa prome cu dia 17 di februari. Dia diez di februari hues lo duna decision tocante e peticion di e defensa di Ruby pa laga e pro-

ceso tuma lugar den un otro estado. Si e peticion ey worde rechaza, anto e proceso lo cuminsa dia 17 di februari.

**Cardinal Chiarlo a fallece**

LUCCA CENTRAL ITALIA, 23 Jan. Cardinal Carlo Chiarlo, un miembro di Curia Romano, e gobierno central di iglesia Catolica a muri na edad di 82 anja. Su morto a rebaha e cantidad di colegio di Cardinalnan te 78, di kende 26 ta Italiano.

**FANTASTICO!**

Ta nos oferta pa duna lectornan di "ARUBAANSE COURANT"

e corant mas lesá na Aruba,

**UN LUNA GRATIS DI SUSCRIPCION**

si nan paga e suscripcion pa aña 1964 delantá. E oferta aki ta valido te dia 1 di februari venidero.

PAGA NOS COBRADORAN pa 11 LUNA y LESA CORANT 12 LUNA. „Arubaanse Courant,, e corant cu dia pa dia ta bira mehor!

## Proposicion di Johnson na conferencia di desarme

GINEBRA, 23 Jan. President Johnson di Merca a propone awe, cu Merca, Union Sovietica y nan aliadonan a investiga e posibilidad pa yega na un paralisacion di e cantidad y tiponan di raketnan estrategico pa finnan di atake y defensa.

E president tabata di opinion, cu e conferencia ta continua su trabao den un ambiente di speranza. E anuncio di e gobiernonan di Merca y Union Sovietica cu nan lo menguan gastunan militar, aunque ta pa un cantidad moderna, a mehora e ambiente.

Cada un di e pasonan propone ta importante pa paz. Pa ningun punto ta imposibel pa yega na un acuerdo, asina e president a bisa. Merca ta dispuesto pa riba e terrenonan ey yega na acuerdonan claro. Tambe Merca kier tuma cada otro proposicion hus-

to en consideracion, asina president Johnson a bisa den su mensaje.

E conferencia di desarme a reuni pa di 157 biaha, despues cu for di dia 29 di augustus el a suspende su actividadnan. E delegado Canades, general Burns tabata presidente.

E segundo secretario di Nacionnan Uni pa asuntonan di desarme, e jugoslavo, Dr. Protitch, a lesa un mensaje di secretario general Oe Thant. Despues e debate a cuminsa tras di portanan sera.

## KENNEDY A JEGA DJAKARTA

DJAKARTA, 23 Jan. - E minister Mericano di husticia, Robert Kennedy, a jega Djakarta awe pa deliberacionnan cu president Soekarno tocante e asunto Maleisia.

E deliberacionnan aki ta forma un continuacion di e entrevista cu Kennedy cu e tabatin algun dia pasa na Tokio. Robert Kennedy a papia tocante e asunto caba cu e president di Filipinas y cu e minister president di Maleisia. E ta trata pa e partidonan regla e conflicto pacificamente.

## ASALTONAN NA AUSTRALIA

MELBOURNE, 23 Jan. E Italiano religioso di parroquia, Aldo na Melbourne, Frank Madafferi, como segun su opinion e proximo victima di un serie di asaltonan, cu den ultimo nuebe lunanan ya ta costa bida di cuater Italiano, cu tin di ber cu e mercado local di berdura y fruta. E ultimo victima Vincent Muratore, a worde derra dialuna.

Aldo a bisa cu el a hanja informe cu Madafferi, pa motibo di desunion cu e cultivadornan, cu ta entrega mercado, ta worde considera como "marca". Na weganan di placa entre e no Italianonan Madafferi tin un chens "fifty-fifty".

Segun Aldo gruponan di campesinonan Italiano na ranchonan den e estadonan victoria y parti Sur di - Nieuw - Zuid - Wales ta worde explota como esclavo pa un cierto persona.

E Italianonan ey ta acepta sin bisa nada lo ke cu nan haja pa e productionan cu nan entrega na mercado ya cu majoria di nan ta analfabetico y den hopi caso nan a drenta Australia ilegalmente.

Aldo, quende a worde elogia pae hefe di polis na Melbourne pa su declaracion franca, a bisa diadomingo den su misa cu e kier papia tocante e asunto aki, aunque cu esey ta trece su mes bida den peliger.

President Nasser di Republica Arabe Uni aki ta pone su firma bao di e resolucio- nan cu a worde acepta riba e conferencia di Liga Arabe cu a tuma lugar na Cairo. Den centro por mira Abdoel Khalad Hassouma, secretario general di Liga Arabe.

## Oficial di Alemania a worde condena

23 Jan. Un tribunal na Calw, cu ta consisti di dos civil y un jurista como president, awe despues di un proceso di tres dia, a duna fayo contra suboficialnan Aleman, cu parce a actua di un manera incorrecto contra milicianonan.

E sub - oficial Igo Fischer di 22 anja a hanja un castigo di nueve luna pa motibo di maltrato y menosprecia esnan cutabata bou di dje.

Manfred Lauster di 26 anja, a hanja cuater luna y un siman di prison pa motibo di a maltrata esnan cu ta bou di dje.

## KESTION ENTRE PANAMA Y MERCA

WASHINGTON, 23 Jan. - Si Panama no haja satisfaccion cerca e organizacion di estadonan Mericano tocante e negociacionnan riba e acuerdo di canal di Panama, e lo presenta su caso cerca e organizacion di estadonan Mericano a participa. El a bisa cu Merca mester acepta pa tene negociacionnan nobo tocante e acuerdo prome cu e situacion entre Merca y Panama bira normal atrobe.



BO  
TA  
SPAAR  
HOPI  
TEMPO

cu un  
WASMACHINE  
AUTOMATICO!

## COMERCIO DI CUBA

Chroesjef y Castro a firma e acuerdo comercial awe na Kremlin. - Chroesjef a bisa durante e recepcion cu Rusia y Cuba a bai di acuerdo tocant e medida- nan cu mester proteha economia Cubano contra e aumenta y rebaho di prijsnan mundial pa sucu. E no a menciona particularidadnan dje tratado pero observador- nan Occidental a bisa cu esaki ta contene claramente un aumenta dje apojo Ruso ne economia Cubano.

E promer minister Ruso a brinda den honor dje huesped cubano y a bisa cu apojo Cubano ne politiek Sovietico y ne partido Comunista Rusiano, ta wordu masha aprecia. Esaki, segun observa- dornan por muestra, qu Fidel Castro den e kestion ideologico entre China y Rusia ta mas di parti di Rusia. Te ainda maske di a demostra aprecio pe ayudo Rusiano na su pais, Cuba a keda neutral den e kestion. Tampoco Cuba a firma e acuerdo nuclear parcial. Castro a declara di ta masha satisfec- ho dje deliberacionnan cu el a haci foj su llegada 13 di januari pasa den capital Ruso.

E lider Cubano despues a contesta preguntanan pa television.

El a bisa cu e clima internacional a baha. Re- lucio: Cubano segun Castro ta garantiza y e anja aki e isla lo dedica su mes ne desarrollo economico. En relacion qu e politiek di exterior el a bisa cu Cuba ta desea di mantene bon relacion- nan cu tur paisnan Latino Ameri-

cano. Pero ora cu el a menciona e recien acontecimentunan na Panama un redactor di Prawda a interumpiele, pa puntrele dje impresion cu el a hanja durante su bishita Fidel Castro y prome minister Chroesjef majan anochi lo sali cu treln pa Kiev, caminda nan lo jacht durante un paar di dia.

Nan no a anuncia ningun fecha fiho pe salida di Castro foj Rusia.

## Cacho ta salba mucha homber

VENLO, 23 Jan. Un herders- hond grandi, cu tabata hungando cu diferene schaatsdo riba kas- teelgracht, a salba un mucha chi- qui ora cu e mucha a zak door di e ijs. Sin pensa e cacho a bula tras di e mucha y a sake for di awa.

## E WELGA NA ANACONDA

Santiago de Chili, 23 Jan. - Obre- ronnan cu ta traha na e compania di koper Anaconda tin mag di vota dia 25 di januari tocante un - welga awor cu un acion especial pa yega na un acuerdo no a logra y ainda no tin un cao nobo.

E dificultad principal tabata e aumentonan di sueldo. E federa- cionnan tabata pidi un aumento di cien por ciento y e compania quier a duna treinta por ciento.



INIGUALABLE.....  
„RED (sweet)  
BIANCO (white sweet)  
AND DRY,,





## MAJAN HUBILEO DI FLATA

# CARIBE: PARTI IMPORTANTE DEN COMUNIDAD LOGRA DEN 25 ANJA

CAMACURI, 23 jan. - Ora cu riba dia 24 di januari 1939 dos grupo di practicadornan entusiasmo di e awor na Aruba desconoci ramo di deporte korbball, a reuni den Raadzaal y a tuma e decision di forma un club hunto, ta casi sigur cu ningun di esunnan presente a pensa cu e paso ey lo resulta asina importante y cu for di e momento ey e fundeshi a worde poni pa un club cu lo bira masha conoci ariba Aruba. Na e memorable reunion ey tabata tin presente damanan componente di e club di korbball femenino "Arubiana", cual riba dia 29 di maart 1938 a worde forma riba iniciativa di Edith Eman (awor senjora Cotter) cu cooperacion di senjoranan G.E. Ahlers y G. de Brauw-Heybroek, y e cabayeronan di e equipo masculino Caribe, cu ariba iniciativa di Elmer Bartels Daal, Eddy Wever y e rumanan Freddy, Rudy y Lope Beaujon a worde forma riba dia 23 di juni 1938. For di e dos grupo aki a nace Club Caribe cu majan lo cumpli 25 anjadi existencia.

E directiva di "Arubiana" tabata consisti di sra. G. de Brauw-Heybroek como presidente, sra. Johanna Ahlers vice-presidente, Edith Eman secretaria, Olga Henriquez tesorera, y comisarianan Mina Gehrels Schotborgh J. Bronkhuyzen y Alix de Veer-Henriquez. Y e equipo masculino Caribe tabatin e siguiente directiva. President Mr. W.B.J. Abersson, secretario Eddy A. Wever, tesorero Jan H. Beaujon y comisarianan W. de Brauw y F. J.C. Beaujon. Como promer miembro honorario a worde nombra riba dia 12 di juli 1938 sr. L. C. Kwartsz, notario na Aruba. A pesar cu tabata conoci cu reglamentonan oficial di orfbal tabata existi pa hunga mixto esta damas y cabayeros hunto, e mentalidad e tempo ey di e bleswian no tabata permiti esey, loke a haci cu un club di cada sexo a worde forma separadamente.

Ariba dia 3 di september 1938 ta pasa algo cu ta un estimulo pa e dos clubnan Arubiano join forma uno. A worde forma e fecha ey un club Surinamenjo bau number di "Ontspanning door Inspanning", cual si tabata practica e deporte segun e reglamentonan, esta mixto. Y pa por forma un club cu lo por enfrenta U.D.I., e dos clubnan

Arubano, "Arubiana" y "Caribe", a cuminsa ta practica hunto. E promer practica a tuma lugar dia 16 di oktober 1938.

### "Caribiana"

Cu fecha di 11 di januari 1939 a sali un yamada na tur e miembronan di e dos clubnan pa atende un reunion cu e intencion di forma un solo club. Como cu e representantenan tabata aprecia cada uno e number di su mes club masha hopi a yega na un compromiso pa usa e number di "Caribiana". Esaki pues en realidad ta e promer number cu esun club forma dia 24 di januari 1939 a haya. E promer directiva tabata forma door di Jan H. Beaujon como president, sra. M. Gehrels-Schotborgh como vice-presidente, Edith Eman secretaria, sra. W. de Brauw-Heybroek y tesorera y comisarianan F. J.C. Beaujon, W. de Brauw, Hilary Kwartsz, Mr. W.B.J. Abersson y E.A. Wever.

En total e club nobo tabata tin 78 miembro, 35 di "Arubiana" y 43 di "Caribe". Den un proximo reunion general a cai e decision pa tog cambia e number y usa "Caribe". E tereno cu tabata ser usa ta esun banda di Machito's pariba di watertoren na Oranjestad.

Despues cu e tereno a cambia di donjo, Caribe a muda pa un tereno dilanti di santana, caminda Caribe realmente a cuminsa ta desaroya enormemente. A worde traha un tereno di basketball ya cuminsa ta practica tambe e deportenan di softball, hockey y futbol.

Tabata un sla duro pa Caribe ora cu nan a worde notifica cu a trobe nan tin di cambia tereno. Pa un tempo nan a keda sin lugar di practica. Un oferta pa usa e cancha di tennis na Tarabana di famia John G. Eman pa practica basketball a worde acepta gustosamente. Pero e activo directiva di Caribe a cuminsa ta busca un tereno adecuado cu cual lo no surgi problemanan di mudamento.

### Promer piedra

Ariba dladomingo dia 12 di juli 1942, un paso sumamente importante den bida di e club deportivo Caribe ta worde haci. Sra. Wagemaker ta pone e dia ey e promer piedra pa construcion di un edificio di Caribe. Un edificio cu a cuminsa den loke awor aki nos por califica "masha simpel", pero cu luego a sigi crece y bira un verdadero adorno na e caminda grandi. Door di e firma constructor di Ortiz y Gonzalez e edificio a worde lamta. Tanto na e edificio, como na e terenan di deporte cu Caribe ta posee, sin embargo ta innumerable e cantidad di oranan cu e propio miembronan a traha. Den curso di anjanan e edificio a worde amplia varios biaha y su uso tambe tabata bira cada anja mas intenso.

Terenonan di basketball y tennis a worde construi y tambe di korbball, softball y futbol mientras cu den e club tabata worde practica pingpong y biljar. Un otro ramo di deporte cu a worde practica hopi door di e "Caribenjonan" ta hockey, deporte cu nan a sinja for di e soldanan Escoses estaciona na Aruba durante e ultimo guerra mundial. E tereno grandi caminda e actual edificio di Caribe ta para y su terenan di deporte, a worde pasa pa Caribe desinteresadamente door di dr. Eloy Arends, kende pa e bunita gesto aki a worde nombra hunto cu su senjora miembronan honorario. Ademas di sr. L.C. Kwartsz, tabata miembro honorario e tempo ey tambe caba, gobernador Wagenmaker y senjora.

Caribe a sigi ta crece rapidamente den su cas y vecindario nobo. Den forma intenso diferen-

NO MOLESTIA BO BICINJA MAS.....  
PA SOLAMENTE FL. 19.95

nos ta ofrece bo un set consistiendo di:  
SKOP  
CHAPI  
PIEK  
HALADO

NO PERDE TEMPO... pasa awe mes na

Antillian

MERCANTILE

Corp. N.V.

Oranjestad tel. 1145

San Nic. tel. 5635

te ramo di deporte ta worde practica y e laurelan y titulonnan di campeon cu Caribe ta logra den curso di e anjanan no ta poco. Especialmente den basketball Caribe ta establece un number respecta y admira tanto cerca e publico Arubano como esun Curazolenjo. Na Corsow tambe door di cu ta worde cuminsa na 1941 cu contactonan cu clubnan deportivo di Corsow, manera Kwiek, C.S.C. y van Engelen, E deportistanan aki a midi orza cu e Caribenjonan durante bishitanan cu Caribe a haci nan y tambe durante bishitanan cu nan a haci na Aruba.

### A.S.U

For di e archivonan blesw di Caribe a surgi un carta cu tin fecha di 3 di november 1941 scirbi door di e vice-president di Caribe, hr. W. de Brauw, y dirigi na directiva di Caribe, den cual ta worde invita pa atende un reunion pa formacion di un Arubaansche Bond voor Lichamelijke Opvoeding. E reunion di formacion aki a worde teni riba dia 6 di november 1941 cu representantenan di Caribe, Tivoli, R.C.A. y A.V.B. E proposicion di e number sin embargo no a worde acepta y e number eligi a bira Aruba Sport Unie, number cu te awor, 22 anja despues, ainda t'ey. E importancia cu e organizacion aki a haya pa e comunidad deportivo di nos isla, ta algo bon conoci pa uno y tur.

### PARTI SOCIAL

Cu e construcion di su edificio Caribe a cuminsa ta haya un bida social mas intensivo. Ya notabata necesario mas pa e victorianan di cada wegaworde celebra na cas di e president y su acogedora senjora. E edificio a bira e centro di actividadnan di e club. Fiestanan y otro formanan di entretenimiento tabata worde organisa. Tambe e edificio tabata tin e honor di ser usa pa diferente recepcionnan cu a worde ofreci en conexion cu bishitanan di miembronan di Casa Real di Hulanda. Den e participacionalesco di Aruba, Caribe a contribui tambe presentando anjanan tras di otro flotanan cu a sabi di gana promer premio merecidamente.

Last but not least, nos kier haci mencion di un parti sumamente importante den bida di Caribe. Ta ogico cu ningun club di organizacion lo por progresa si no tin cooperacion di e miembronan. Pero pa logra y mantene e cooperacion aki semper mester di un lider. Y Caribe tabata tin e suerte di por a conta for di principio y pa hopi anjanan largo cu e cualidadnan di un bon lider den e persona di Jan H. Beaujon. Ta hopi biaha un poco peligroso menciona number di un persona ora cu ta worde relata historia di un club, pero nos ta kere cu den e caso di Caribe lo ta net peligroso si cu e club sin menciona e number di Jan H. Beaujon. Pa durante 17 anja largo, anjanan cu no tabata facil pa Caribe, e persona aki a ocupa e presidencia. Ora cu na 1956 el a tuma e decision di no tuma e puesto halto ey mas, mesora e y su senjora Violet, otro di e pioneranan di Caribe, a worde nombra como miembronan honorario. E labor di e president aki pa su club ta asina grandi cu, hunto cu hopi otro nos ta kere cu e club hamas lo por logra paga den ni gun forma tur e sacrificacionan haci door di e famia Beaujon ey semper na bienestar di e club. Un prueba mas di su gran amor pa e club a bolbe worde duna ora cu anja pasa el a acepta e yamada cu e miembronan a haci na dje pa e encabesa e Comité di Hubileo di Caribe.

Luego cu Jan H. Beaujon a baha di e presidencia di e club, a ocupa e puesto ey Eddy Fowler, Dr. Hubert Dennert y for di anja 1959 Tico Kuiperi. Cu un gran variacion di encuentronan di deporte, Caribe ta festehando for di dia 12 di luna aki su hubileo di 25 anja di existencia cu ta cumpli dia 24.

### SITUACION NA TANGANYIKA

Dar Dar Salaam, 22 Jan. Despues di irregularidadnan di ayera tabata awe ketu na Dar Es Salaam capital di Tanganjika. President Nyerere, segun su hefe di prensa ta sano y salvo den su palacio.

Durante un tempo tabatin inseguridad tocante e luga caminda e presidente ta keda.

Componentenan di e promer grupo di Caribe cu a haci un viahe pa Corsow pa tene encuentronan deportivo den anja 1943. Promer fila: Maria Wever, Dididi Lacle, Bebe Oduber, Erna Oehlers, Irene Pauw, Siki Beaujon, Lydia van Romondt y Shirley Harms.

Segundo fila: Johnny Oduber, (15), Eddy Wever (13), Poipy Lacle (9), M. van Drie, Clement Lacle, Rudy Beaujon, Eddy Kwartsz, Henry La-

cle (6), Michael Lacle (12) y Lope Beaujon (10).

Tercer fila: Betty Ecury, Oslin Scholten Clif Monree (7 coach) Servio Raven, Leo Kuiperi y Jenny Arends.

Ariba tribune: David L. Henriquez, W. de Brauw, Hilary Kwartsz, Violet Beaujon, Riri Oduber y senjora, Wewe Croes y senjora, Grace Kwartsz, Dabiel Oduber, Oscar van Kampen, Zep Oduber y senjora y president Jan H. Beaujon.





Un di e promer teamnan di Korfball cu tabata defende colorman blauw y blanco di Caribe. Adilanti Olga Martha Pacheco, A. Lieberman, Esmee Zeppenfeldt, Irene Scholtén, Helenita Urdaneta, y Regina Zeppenfeldt.

Para: Oslin Scholten Rolando Pietersz, Poipy Lacle, Johnny Oduber, Jules Abrahams y Freddy Beaujon.

## Eleccion di Prins Carnaval Juvenil na Tanki Leendert

E prinsnan cu lo participa den e eleccion aki ta esunan di Jolly Teeners, Centro Juvenil Tanki Leendert, Centro Juvenil Comanduersbaal, Conny Francis Teeners, Sue Thompson Fan Club Spes Patriae, y Juventud Alegre di Paradera. Cada Prins lo worde acompaña pa su Pancho cu lo asistie den su locuranan.

Segun informacion for di parti di e comite di carnaval juvenil e hurado cu lo eligi e prins juvenil di Aruba lo consisti di senjornan Oscar Marugg, Ed Byington, Dr. H. Dennert, deputadonan G.A. Oduber y F.J. Tromp, tambe senjornan Elogio Wever y Milo Croes. E mes un anochi aki lo tin presentacion di tur e reinanan di e clubnan juvenil di Aruba. Despues di e eleccion e Prins di carnaval juvenil di Aruba lo worde anuncia pa e reina di su club. Asina cu e

prins aki a worde anuncia ta sigui e fiesta bailable cu steelband, conhunto y caha di orgel te dos or di marduga. Endudablemente e pueblo di Aruba lo apoya e esfuerzonan aki di e hubentud di Aruba pa duna e carnaval di nos isla mas popularidad.

## Shell y Unilever na Indonesia

DJAKARTA, 23 Jan. Awetrabao tabata normal trobe na e oficinanan principal di Shell y Unilever na Djakarta. E edificacion tabata bou di vigilancia di polisnan, cu tabata arma cu scopet y pistolan automatic. Un portavoz di Shell a declara: "Tur cos ta normal atrobe". Directiva di Unilever a bolbe ocupa su puesto awe, despues cu dos dia esey no tabata posibel. E lidernan Indones di federacionnan di trabao cu a trata di

## OFICINA NOTARIO W.F.M. LAMPE

ZOUTMANSTRAAT No. 7  
ARUBA.

### BENDEMENTO PUBLICO BOLUNTARIO

Ariba Diahuebs 23 di Januari 1964  
pa 4.30 di atardi

- 1/4 di e parti pa Nort di terreno conces No. 378, situa den prome distrito di Aruba, tamaño completo 2 1/2 Ha. cu construccion di un cas, T.L. No. 18. Hypotheekkantor C 20 - 58.
- E parti pa Nort di e terreno conces No. 896, situa den prome distrito di Aruba, tamaño completo 4.88 Ha. Hypotheekkantor C 23 - 70.
- E parti pa west di e terreno conces No. 336, situa den di dos distrito di Aruba, tamaño completo 1.5 Ha. Hypotheekkantor C 41 - 37.
- Un pida terreno tamaño 843 M2, den di dos distrito di Aruba, (Rooibrief 2138/1945), cu algun casita di opstal sub. 5 Hypotheekkantor C 41 - 37.
- Un pida terreno tamaño 465 M2, den di dos distrito di Aruba pa parti Nort di caminda pa Bubali, Meetbrief 129/1945, cu cas di familia y bar, conoci como Bubali no. 16. Hypotheekkantor C 43 - 81.

PA MAS INFORMACION ACUDI NA OFICINA DI E NOTARIO  
MENCIONA AKI 'RIBA. TEL. 250-2851

tuma e empresanan over, parce a dicidi di respeta un decision di gobierno, cu esey lo ta ilegal.

## SARAGAT NA LONDEN

Londen, 23 jan. - Saragat, e minister nobo di asuntonan exterior di Italia, awe a llega Londen, e lo papia cu e ministernan Britanico tocante politiek West Europeo y desarrollo economico, relacionnan entre Estey Oeste y tocante kestionnan comercial internacional.

E premier di China Comunista durante su viahe na Africa tambe a bishita Ghana. Aki por mira Tsjoie y premier Nkruma di Ghana durante un brindis cu otro.

## ELECCIONNAN NA NOORD RHODESIA

LOESAKA, 23 Jan. E partido Nacional Uni di Independencia di Kenneth Koeanda, manera tabata spera, a logra un majoria absoluta den e prome eleccionnan na Noord Rhodesia.

Probablemente e gobernador ingles lo laga Koeanda hura awe mes.

Ainda conteo di e votonan no a termina, pero ya Koeanda ta sigur di 38 di e 75 votonan.

E eleccionnan a worde tene segun e constitucion nobo, cu ta duna protectorado ingles autodeterminacion. Inglater rata keda responsabel pa defensa, relacionnan di exterior, orden publico y polis, te ora cu e pais haja independencia completa.

Koeanda a bisa recientemente qu e ta spera cu Noord Rhodesia lo bira completamente independiente di 24 di oktober como Republica "Zambia".

## Pearson ta delibera cu president Johnson

Washington, 23 jan. - E premier Canades, Lester Pearson, ayega Washington ayera pa deliberacionnan di do s dia cu president Johnson. El a baha na e base aerea Andrews di unda el a sigui cu helikopter pa Casa Blanca. Pearson a worde ricibi pa president Johnson.

Ta worde calcula, cu e dos lidernan di estado lo combersatocante e relacionnan entre Oriente y Occidente, e reanudacionnan di e negociacionnan na Ginebra, e alejamentu entre Francia y Merca cu ta bira mas y mas grandí y tocante asuntonan di interes mutual. E premier Canades a combersa siman pasa cu president De Gaulle.





# Sorpresanan Amstel

Sorpresa... y mas sorpresa

**AMSTEL!**

Exigi... y bebe **AMSTEL.**

Waak bau di e tapa... y...

haya **GRATIS...** dos, tres

of mas ainda...



Si, waak bau di e tapa... y haya 5, 25, of 100 florin di **REGALO!** Esaki si ta facil! Djies waak bau di e tapa di e sabrosísimo **AMSTEL** y gana... **MILES** y **MILES** di florin.

Esaki ta otro sorpresa

**AMSTEL.**

**AMSTEL...** e marca di calidad!

Sorpresa... Sorpresa!

**SORPRESANAN AMSTEL!**



## "Buscando amor di Mama"

Novela pa

**Pancho Papa la Poncha Pi**

No. 7

E baha aki e no a cai. "Bravo masha bon haci, Ingrid!", Theresa a bisa. Despues el a puntra e otro muchanan: "Boso a mira con Ingrid a bula?" "El a haci esey masha bon mes". Loke Ingrid a haci a duna e otro muchanan mas curashi ainda, pasobra ningun di nan kier pa Ingrid ta mas mihor cu nan. Ta solamente pover Margo si no por a buia bon. Ora di gymnastiek a pasá, e muchanan a recoge nan cosnan y a sali bay. "Srta. Gunden", un stem a bisa. Theresa a drey mira ta kende a jamé. "Ja? Un Señor grandi cu curpa poco delegá kler a papla cu ne. Theresa a keda mirele sorprendá, pasobra e no conocele. E tabata tin wowo shinishi, y den su cara bo por ripara cu e no ta un hende carinioso. "Hofen", e Señor a presenta su mes. Theresa a sinti cu tur su cabeynan a para den su curpa. Net awor, e ta pensa, pakiko ta net awor! Su dilanti ta para un homber

aristocrat, y e mes, tur su panja ta sushi y e ta sinti su mes chikito compará cu e homber aki. Ta kiko e homber aki lo pensa di mi? "Sr. Conde", e di, mirando su estado. "Bo mester despensa mi cu bo a bin hayami bisti asina, pero mi no tabata sa cu bo ta bini awe". E Conde a hari un rato asina. "Mi no por a bini e ora cu abo a pidi, ta pesey mi a bini awor". Kier meen, cu ta ami mester pidi dispensa, pasobra mi a bini sin avisa". Theresa su cara a hira corra. E aire superior cu e homber aki tin ta pone sinti fastioso. E ta sintie tur bruha. "Mi mester pidiho, patene pasenshi un paar minuut, Sr. Conde. Manera bo por compronde, mi mester bay cambia mi panja". "Naturalmente. Ta duel mi verdaderamente, cu mi a bini akinan na un ora asina inoportuno. Nan dos a cana bay paden y Theresa a habri porta di e klas. "Bo por ta asina bon di keda sperami akinan?" Theresa a puntre. The-

resa a dal un banjo y a bisti su panja pura pura. E tabata nervioso, y esey ta duna e baha. Pakiko eigenlijk e mester ta nervioso? E por wel di tin poco pasenshi, pasobra ya cu el a bini na un momento asina inoportuno. Un baha mas Theresa ta waak su cara den spiel y e ta cla. Segun é, awor su purunchinan ta muestra mas hopi cu ningun baha. Theresa a hala rosea pisá.

Ya ta casi 5 luna cu e ta aki na Freiberg, - ya a bira otoño caba - y e mester admít cu toch akinan no ta asina malo. E esferaden su klas tabata agradable, aparte di e incidentenan cu sa asina tin ora. Hasta e relacion cu Ingrid a bira mihor. E berdad ta, cu Ingrid no a bira mucho mihor, e ta mes antipatica, mes terco cu antes. Pero su hostilidad si a mengua hopi. Por ta cu e amenaza di mande na un internaat a haci algun influencia riha dje? Berdad, e hendenan aki na Freiberg, no ta asina malo. Ta kende a bisami asina atrobe? Ah si, e joven carinioso, cu a sinti cunele den e comedor di e trein. Toch ta duel mi cu mi no a mitele mas. Theresa tabata tin gana di topa cu e joven asina aki na Freiberg. El a hala rosea pisa y a drel mira den cura di school. Durante pauze e secretaria di e director a jama Theresa un rato. "Un hende a jamabo na

telefon, Srta. Gunden. Tabata Dr. Bergman. El a puntra si bo por a jamele bek". E dokter Bergman ey si ta carinioso! Ta kiko e dr. lo tabata kler? Theresa a drey e number di e dokter su cas. "Haha, Srta. Gunden, mi tin gana di kita un poco di bo tempo liber", e dokter a bisa. "Pero mi ta primintibo cu lo bo haya un sorpresa agradable, si bo bini serca nos awe noch". "Pero mi bon dokter", Theresa a contesta, "serca bosonan mi ta bini cu gusto, tambe sin sorpresa. Henter dia el a keda alegre su mes pa e anochi ey. E no tabata tin mucho distraccion, y e Dr. y su senjora a bira bon amigo di dje. Cu cuidao el a drecha su curpa e anochi. Ora cu el a jega, e dokter mes a bin habri porta pé. "Mi Dios", e dokter a bisa. "Ora bo ta akinan, mi por realisa, cu nos ta bibando na un ciudad masha chikito". "Dicon?" Theresa a puntra. "Bo ta hayami mal bisti?" "No, al contrario, bon di mas, pa bo bin bishita poco hende bjeewu manera nos". Theresa a cuminza hari, y aduna e senjora un man. Ora cu Theresa a drenta mas paden, el a ripara cu tabatin un hende mas cunan ey den. Tabata tin un joven, kende a bin saluda Theresa cu un cara contento. "Ta pa mi, un placer, maestra, cu e dokter bjeewu aki a judami asina bon! Mesora tur loke a pasa den e

## AGENDA

**ARUBAANSE COURANT**  
diariamente cu excepcion di diadomingo  
subscription f. 3.25 pa luna edicion los 20 ct.  
edita pa:  
N.V. ARUBAANSE DRUKKERIJ  
- en UITGEVERS - en PUBLI-CITEITS MIJ.  
imprimi na:  
N.V. DRUKKERIJ  
„DE STAD,”  
Telefoon 1116 Directiva y redaccion, 2116 Anuncio y subscripcion.  
Directeur hoofdredacteur:  
L. Wolff.

## CINE

Diahuebs 23 Jan.  
De Veer: 8.30 p.m. "The Miracle Workers" 18 j  
Rialto: 8.00 p.m. "The Siege of Sidney Street" 18 j  
Principal: 8.00 p.m. "Bullwhip" all  
Aurora: 8.00 p.m. "The Helions" 18 j  
Savaneta: 8.00 p.m. "Soy Charro del Rancho Grande" all

### BOTICANAN DI WARDA

Oranjestad: Botica del Pueblo  
Tel: 1253-2154  
San Nicolas: Botica San Lucas  
Tel: 5119

### DOKTERNAN DI WARDA

Oranjestad-Noord: Dr. J.R. Leo  
San Nicolas-Sta Cruz-Sav: Dr. J.G.H. Janssen.

### WIT-GELE KRUIS

Oranjestad: Zr. Ewolda  
San Nicolas: Zr. Perpetua  
Santa Cruz: Zr. Ludovic

## Cumpleanjos



Awe dia 23 di Jan. ta cumpli anja Señora Ilda Statie, felicitacion ta bini di su esposo Cristobal, juinan Rafaela y Rolie, rumanan, madrina Martin, cunja Ursulita, Ramona subrino Urbano y Pedro Kelly, primo Jacobo Willems, Dominico, Donicio, Sixta, Alberta, Nicolina, Isabel Oduber y demas familia Willems, Oduber, Kelly, Statie, Maduro, Martis.

## ARESTACION NA COLOMBIA

BOGOTA, 22 Jan. Shete persona, entre cual un aleman, cu tabata sospecha di a participa na asesinato riba shete mucha, a worde arresta. E desaparicion continua di muchanan y descubrimiento di shete cadaver na Cali a causa hopi emocion entre e poblacon.  
Religiosonan y autoridadnan municipal a pidi mayornan pa paga bon tinu riba nan ylanan.

## TELE-ARUBA

Diahuebs 23 Jan.

- 05.30 Cartoons
- 06.00 Industry on Parade
- 06.30 Corliss Archer
- 06.45 Papiamento NewCast Live & Filmnews
- 07.00 Sea Hunt
- 07.30 Sports News
- 07.45 Tombstone Territory
- 08.15 NHoneymooners
- 08.45 English Newcast Live & Filmnews
- 09.00 Ben Casey
- 10.00 Sign Off.

## RADIO CARACAS TELEVISION

- 8.45 Senderos de luz
- 9.00 Cajas con sorpresas
- 9.30 Jardin de infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Ahow de Saume
- 13.00 Noticias
- 13.05 Cont. Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Monteverde
- 15.15 Perfecta ama de casa
- 15.45 Aventuras de Popeye y Yeyo
- 16.15 Mejias y sus muchachos
- 16.45 Busque su marca
- 17.15 Sir Francis Drake
- 17.45 Noticias
- 17.50 El Santo
- 19.00 Mi tres hijos
- 19.30 Dagnet
- 20.00 El observador
- 20.15 Novela
- 20.30 Esta noche Billo
- 21.00 El matrimonio perfecto
- 21.30 Los defensores
- 22.30 Noticias
- 22.35 Cine para todos

trein e dia a pasa den Theresa su cabez. Despues el adrey mira e caranan hari di e Dr. y su senjora. "Abo?", Theresa a bisa, y su stem a klink asina sorpresa, y ami, ami un kens, mi no a ripara nada. Ta berdad,

tur dos tin e mesun sonrisa... "El a drey mira Dr. Bergman. "Awor mi sa, ta tata cu yiu. Ta di con mi no por a ripara mas promer?" "Pero con bo ta haya e sorpresa aki?", Harold Bergman a puntra. Rika, a pone su man riba e braza di Theresa. "Mi ta spera cu bo no a rabla cu nos a hunga e rol aki cu bo?" "No", Theresa a bisa cordial. "Sigur cu no", Theresa a bolbe bisa. Nan a bay sinti y dr. Bergman a habri un botter di binja. Y mientras e dr. ta sirbiendo binja, Harold ta conta cu actualmente e tin vacante y cu te aki tres siman mas, e mester cuminza traha trobe. "Kier meen, cu bo ta un dokter di berdad anto", Theresa a puntra. El a kere cu Harold tabata un estudiante. "Mi no sa kiko bo kier meen cu mita un dokter di berdad", e joven a bisa, y si bo a kere cu mi ta un di e charlatan nan, anto botabata equivoca", e joven a bisa. Theresa a sintie bon cu e por papla atrobe cu un mucha homber joven, cu ta hasi pret.

**RIP KIRBY**

pa cortesia di:

**JAN BODEGOM & CO (ARUBA) N.V.**

Agente exclusivo di **FRIESCHE VLAG**

lechi evaporado y lechi en polvo

**MAXWELL HOUSE KOFFIE.**



**HOROSCOPO PERSONAL**

**HOROSCOPO**

Pa diahuebs 23 Januari.

**ARIES**, 21 maart - 20 april  
Awe no actua riba bo mes si ta trata di asuntonan importante. Dos sabi mas cu uno. Adapta bo mes si circunstancianan ta cambia di ripiente.

**TAURUS** 21 april - 21 mei

Awe por trece hopi problemanan pa bo; asuntonan serio ta existi preferencia. Anochi esaki ta cambia y aspectonan ta bon pa diberti.

**GEMINI** 22 mei - 21 juni

Responsabilidad y debernan por eherce presion riba bo, pero bo mester cumpli cu nan. Anochi ta muestra favorable riba tur terreno.

**CANCER** 22 juni - 23 juli

Awe nan por pone presion riba bo of duna bo responsabilidadnan nobo. Despues di atardi por tin un encuentro agradable.

**LEO** 24 juli - 23 juli.

No fia nada awe. Mas den dia algu agradabel pa via di otronan ta pasa bo. No confia loke bo ta lesa muchu.

**VIRGO** 24 aug. - 23 sept.

Algu di pasado di ripiente por hanja nificacion atrobe. Trata pa bai cu pasenshi cu otronan y no bai muchu tras di e prome impresion.

**LIBRA** 24 sept. - 23 okt.

Bo mester tene cuenta cu poco presion y tension y problemanan awe. Banda di anochi esaki ta mehora no cansa bo culpa muchu.

**SCORPIO** 24 okt. - 22 nov.

No laga otronan bruha bo door di nan reaccionnan desfavorable. Despues di atardi bo lo por presta mas, bo ideanan ta bon.

**SAGITTARIUS** 23 nov. - 21 dec.

No laga miedu domina bo pasombra no tin motibo pa esey. Aspectonan ta bira mehor despues di atardi, no perde bo rivalnan for di bista.

**CAPRICORNIUS** 22 dec. - 20 jan.  
No laga miedu pone bo evita responsabilidad. Bo por gana hopi awor si bo muestra confianza den bo mes y traha cu energia.

**AQUARIUS** 21 jan. - 19 febr.

No laga miedu detene bo si bo ta sinti insistencia pa hasi un cierto paso. Interesnan di mayornan y sernan queri tin preferencia.

**PISCES** 20 febr. - 20 maart  
Sigui cu bo plannan si esakinan a worde accepta unavez. No laga nan hinka bo den problemanan di amor of matrimonio di otronan.

**BUCHI ROBEZ**

pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.



**CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.



**PEPITA**


pa cortesia di:

**ANTILLIAN HARDWARE CO.**

E mihor adres pa VERF, KWASHI, TUR HERMENT, ARTICULOS SANITARIO.



**DICK TRACY**



**INUNDACION NA BRAZIL**

**RIO DE JANEIRO**, 22 jan. - 1-nundacionnan den e estado Mias Gerias den noordoost di Brasil a causa bida di 60 persona, asina noticianan di prensa ricibi for di Rio de Janeiro ta bisa. E inundacionnan a worde causa door di yobidanan fuerte despues di un periodo di un anja di segura.

A consecuencia di un tempestad e comunicacionnan cu e territorio relaciona ta kibra parcialmente. Gobierno di Brasil a manda avionnan cu remedi.